




### Tsev Kawm Ntawv Thiab Chaw Zov Me Nyuam

#### Tsev kawm ntawv yuav npaj li cas, thiab teb li cas, COVID-19?

Tsev kawm ntawv yuav tsum npaj rau COVID-19 thaum muaj kev sib kis hauv lawv tej zej zog thiab kev tshwm sim rau ib tus neeg hauv lawv cov chaw, tsis hais txog yuav sib kis hauv zej zog, piv txwv li muaj tus neeg cuam tshuam nrog kev mus ncig rau thaj chaw uas muaj kev sib kis tus kab mob COVID-19. Cov txheej txheem txiav txim siab yuav pab cov tsev kawm ntawv txiav txim siab seb cov tswv yim txog kev ua hauj lwm twg yuav tsum nyog tshaj rau lawv qhov xwm txheej tam sim no.

#### Tsev Kawm Ntawv Txojkev Txiaiv Txim



## **Npaj thiab Npaj Tau Ua Ntej**

### **Cov thawj coj hauv tsev kawm ntawv thiab tsev zov me nyuam yuav ua li cas txhawm rau tej kev npaj rau thaum muaj xwm txheej?**

Cov thawj coj ntawm cov phiaj xwm saib xyuas me nyuam yaus thiab K-12 cov tsev kawm ntawv yuav tsum tau ua raws li cov tswv yim npaj thiab npaj tau ua ntej rau COVID-19:

- Tshawb xyuas, hloov kho, thiab ua raws li tsev kawm kev txoj hauj lwm npaj tseg rau thaum muaj xwm txheej ceev, tshwj xeeb rau cov kab mob sib kis.
- Qhia cov kev coj ua rau cov tub ntxhais kawm nrog rau cov ua hauj lwm xws li nyob hauv tsev thaum muaj mob; npog qhov ncauj thaum hnoos thiab txham kom zoo; thiab ntxuav tes ntshawv ntshis.
- Tu tej chaw kheev kov/tuav.
- Saib Xyuas thiab npaj tias yuav muaj cov qhaj ntawv.
  - Tshuaj xyuas qhov qhauj qhaj ntawv seb yuav sib txawv li cas ntawm koj lub tsev kawm ntawv niam no mus rau yav tag los ntawm cov tub ntxhais kawm thiab cov neeg ua hauj lwm.
  - Tshawb xyuas txoj cai tuaj kawm ntawv thiab thaum muaj mob. Txhawb kom cov tub ntxhais kawm thiab cov neeg ua hauj lwm nyob tsev thaum muaj mob. Sib yoog, yog ua ntau, los tso cov neeg ua haujlwm nyob tsev los tu thiab saib xyuas lawv tsev neeg thaum muaj mob.
  - Ceeb toom rau cov tswj kev noj qab hauv huv yog tias muaj neeg qhaj ntau zuj zus, xws li cov uas qhaj vim muaj kev mob ntsws/ua pa.
- Saib xyuas thiab npaj tham txog txojkev ntshai thiab kev thab plaub vim los ntawm COVID-19. Tham ua ntej/ntxov thiab nco ntsoov hais tsis tseg rau cov niam thiab txiv kiag hais tias cov cai thiab cov txheej txheem yuav ua li cas kom cov leej niam leej txiv npaj muaj kev saib xyuas thiab kev tu/zov rau tej me nyuam.

### **Cov neeg ua hauj lwm thiab cov tub ntxhais kawm ntawv nyob rau hauv kuv lub tsev kawm ntawv/chaw zov me nyuam yuav ua li cas los tiv thaiv kev sib kis COVID-19?**

Pab txhawb cov tub ntxhais kawm thiab cov ua huaj lwm kom lawv siv kev [tiv thaiv txhua hnuv](#) los tiv thaiv tej kab mob sib kis txog kev ua pa, xws li thaum muaj mob lawm txhob tawm rooj/ nyob twj hauv tsev; npog qhov ncauj thaum hnoos thiab txham kom zoo; so tej chaw kheev tuav/kov; thiab ntxuav tes ntshawv ntshis nrog xuj npub thiab dej. Yog tsis muaj dej thiab xuj npum, siv tshuaj ntxuav tes uas muaj li 60% cawv. Ntxuav tes txhua zaus nrog dej thiab xuj npum yog thaum pom tias ob txhais tes tsis huv. Nco ntsoov saib cov me nyuam me thaum lawv siv tshuaj ntxuav tes kom lawv txhob nqos tau cawv, tshwj xeeb yog tej tsev zov me nyuam.

## **Kuv lub tsev kawm ntawv yuav ua li cas yog tias muaj ib tug tub ntxhais kawm los sis ib tus neeg ua hauj lwm muaj tsos mob COVID-19?**

Koj yuav tsum tsum cov txheej txheem kom ntseeg tau tias cov tub ntxhais kawm thiab cov neeg ua hauj lwm uas muaj mob thaum nyob hauv tsev kawm ntawv los sis yeej muaj mob lawm mam tuaj xav mus tsev kom sai li sai tau. Muab cov me nyuam kawm ntawv thiab cov ua haujlwm ua muaj mob cais ntawm cov me nyuam kawm ntawm thiab cov ua hauj lwm uas tsis muaj mob kom txog thaum cov me nyuam kawm ntawv thiab cov ua haujlwm uas muaj mob tau xav mus tsev lawm.

## **Mus teb cov uas muaj mob COVID-19.**

### **Kuv lub tsev kawm ntawv yuav ua li cas yog ib tug tub ntxhais kawm los sis tus neeg ua hauj lwm muaj mob tuaj kawm ntawv/ua hauj lwm ua ntej paub tseeb tias yog kab mob COVID-19?**

- **Tej zaum cov tswj kev noj qab haus huv hauv lub nroog yuav pom zoo kom muab tsev kawm ntawv kaw cia ib ntus.** Cov tswj saib xyuas kev noj qab haus huv hauv zos pom tau tias qho ntev (piv txwv li, seb yog ib lub tsev kawm ntawv, los yog tag cov tsev kawm hauv lub nroog) thiab lub sij hawm ncuva kev kawm ntawv yuav raug txiav txim nyias muaj rau nyias, ua raws li cov xwm txheej tshiab hais txog ntawm tus kab mob COVID-19 thiab cov xwm txheej tshwj xeeb cuam tshuam hauv cov zej zog. Kev kaw/txwv yuav yog li ntawm 14 hnub los sis ntev dua, nyob ntawm qhov xwm txheej hauv koj lub zej zog.
- **Cov tsev kawm ntawv yuav tau muaj kev koom tes nrog tej chaw saib xyuas kev noj qab haus huv thiab cov coj noj coj ua txhawm rau kev sib sab laj tsam muaj COVID-19 tshwm sim rau tej tsev kawm ntawv.** Qhov kev sib tham/txuas lus nrog tej tsev kawm ntawv yuav tsum ua raws lub hom phiaj hais txog kev sib tham/txuas lus hauv tsev kawm ntawv tej hauj lwm yuav tau ua thaum muaj xwm ceev. Yog thaum muaj li no lawm, nws yog ib qho tseem ceeb uas yuav tau ceev zoo (zais lus) cia tsis pub lwm tus paub txog cov tub ntxhais kawm los sis cov neeg ua hauj lwm raws li txoj cai ntawm Americans with Disabilities Act thiab the Family Education Rights and Privacy Act.
- **Yog thaum paub tias muaj ib tug me nyuam kawm ntawv los sis ib tug tib neeg ua hauj lwm muaj tus kab mob COVID-19 lawm, tsev kawm ntawm thiab cov coj hauv tsev kawm ntawv yuav tau sab laj nrog cov tswj kev noj qab haus huv los txiav txim seb thaum twg tus me nyuam kawm thiab tus neeg ua hauj lwm ntawd thiaj rov tuaj tau thaib seb yuav ua li cas ntxiv txhawm rau cov tsev kawm ntawv.** Ntxiv mus, cov tub ntxhais kawm thiab cov ua hauj lwm uas lawv tsis muaj mob tab sis tu los yog nyob ua ke ib tse nrog lwm tus muaj tus kab mob COVID-19 yuav tsum ua

raws li tej tswj kev noj qab haus huv hais tseg seb thaum twg mam rov tua tau rau hauv tsev kawm ntawv.

## Kaw Tsev Kawm Ntawv

### **Kuv puas yuav tsum kaw peb lub tsev kawm ntawv/chaw zov me nyuam yog tias muaj neeg mob COVID-19 hauv kuv lub tsev kawm ntawv?**

Koj yuav tau siv txoj cai kaw tsev kawm ntawv ib ntus li ntawm 14 hnuv, los tej zaum tseem yuav ntev dua, yog tias muaj ib tug me nyuam kawm los sis ib tug neeg ua hauj lwm nyob hauv tsev kawm ntawv ua ntej thaum paub meej tias nws muaj tus mob COVID-19. Txhua txoj kev txiav txim siab txog muab tsev kawm ntawv kaw los sis tshem tawm tej txheej txhees ntawm kev kawm ntawv yuav tsum yog ua raws tej kev pom zoo nrog cov tswj kev noj qab haus huv. Cov tsev kawm ntawv yuav txiav txim siab txog kaw tsev kawm ntawv thiab tshem tej txheej txheem tawm ntawv tsis tau dhau ntawm cov neeg tswj txog kev noj qab haus huv. Kev txiav txim siab txog kaw tsev kawm ntawv thiab tshem tej txheej txhees tawm yog yuav tau ua raws li muaj ib qho zuj zus kom raws li tej txheej txheem los ntawm cov tswj kev noj qab haus huv seb yog muaj zoo li cas.

### **Yog peb lub tsev kawm ntawv raug kaw, peb yuav nraug kaw ntev li cas?**

Qhov ntev (ntev li cas), thaj tsam nyob, thiab lub hom phiaj los ntawm kev noj qab haus hu txog kev kaw tej tsev kawm ntawv yuav tau rov qab soj ntsuam thiab hloov raws li muaj tshwm sim. Tam sim no raws li pom zoo tsawg kawg yog 14 hnuv. Qhov kev pom zoo nov tej zaum tseem yuav tau hloov mus raws tej kev muaj tshwm sim tshiab.

### **Yog kuv txiav txim siab muab lub tsev kawm ntawv kaw, puas muaj lwm yam uas kuv yuav tau xav txog thiab?**

Yog tias kaw tsev kawm ntawv lawm, tej txheej txheem thiab tej yaj tseem ceeb, xws li kev ua yeeb yam, cov mus tsham lwm qhov, thiab kev mus sib tw yuav tau muab tshem tawm. Qhov no yuav tau muaj kev koom tes nrog lwm pab pawg los yog lwm lub koom haum (xws li, tsev kawm ntawv tej koom haum sib tw (ntaus pob, nkaws pob), suab paj duag). Ntxiv mus, kom lawv txhob nyob ua pab pawg coob leej ua ke, xws li nyob hauv tej phooj ywg tsev, chaw noj zaub mov, los sis khw muag khoom.

Nco ntxoov kom muaj puas mov mus ntxiv rau cov tub ntxhais kawm. Xav txog lwm txoj hauv kev faib zaub mov rau cov me nyuam tau txais zaub mov dawb los sis luv nqi. Mus saib/tshawb rau ntawm US Department of Agriculture – Food and Nutrition Service

ntawm: <https://www.fns.usda.gov/disaster/USDAfoodsPandemicSchools.external> [icon](#)

Yog muaj sib kis hauv zej zos rau tus kab mob COVID-19 lawm, nrhiav lwm txoj hauv kev kom txhob tau muab zaub mov rau tej qho muaj tib neeg nyob coob leej ua ke.

Xav txog tej kev faib xws li muab ntim ua hnav kom “tsawv nkaus-thiab-mus” los sis xa puas mov mus rau lawm tus.

Xav txog lwm txoj kev los muab kev kho mob tshwj xeeb thiab kev pab cuam noj qab haus huv rau cov tub ntxhais kawm. Txuas ntxiv muab cov kev pab cuam tsim nyog rau cov me nyuam yaus uas xav tau kev saib xyuas tshwj xeeb, los sis ua hauj lwm nrog rau Title V C Me nyuam thiab Cov Hluas Uas Xav Tau Kev Tu Xyuas Tshwj Xeeb (CYSHCN) Kev Pab Cuam.

## **Yog tias peb muab tsev kawm ntawv kaw lawm, peb yuav tsum ua li cas thaum peb rov qheb tsev kawm ntawv rau cov tub ntxhais kawm?**

CDC tseem tab tom nrhiav txoj hauv kev los pab seb tej tsev kawm ntawv yuav rov qhib li cas rau cov tub ntxhais kawm. Yog koj xav tau kev pab rau qhov nov sai, tham nrog cov tswj kev noj qab haus hu ntawm koj lub nroog seb lawv qhia kom ua li cas.

## **Nyuam qhuav mus ncig ua si los**

**Peb yuav ua li cas yog tias ib tug me nyuam, tus tub ntxhais kawm, los sis tus neeg ua hauj lwm nyuam qhuav mus ncig rau thaj tsam muaj tus kab mob COVID-19 los sis muaj ib tus neeg hauv tsev neeg uas tau mus rau thaj chaw muaj tus kab mob COVID-19?**

Saib xyuas cov ntaub ntawv [CDC tawm tshiab rau cov neeg tau mus ncig ua si](#), suav nrog [cov lus kheev nug rau cov mus ncig ua si](#), thiab sab laj nrog tsoom fwv (xeev) thiab cov saib xyuas kev noj qab haus huv. Cov tswj saib xyuas kev noj qab haus huv tuaj yeem siv CDC Txoj Cai Pab cuam hauv US rau Kev Tshuaj Ntsuam Xyuas Kev Nyab Xeeb thiab Kev Saib Xyuas Kev Noj Qab Haus Huv ntawm Cov Neeg Muaj Feem Yuav Kis Kab Mob Coronavirus 2019 (COVID-19) Cov tib neeg rov qab los ntawm kev ncig ua si mus rau thaj chaw uas muaj kev sib kis hauv zej zog ntawm COVID-19 yuav tsum ua raws li kev taw qhia lawv muaj los ntawm cov tswj saib xyuas kev noj qab haus huv.

## **Kev tus ib puag ncig kom huv si thiab txau tshuaj tua kab mob**

**Kev “ntxuav tu hauv si” thiab “kev txau tshuaj tua kab mob” sib txhawv li cas?**



*Ntxuav tu* yog thaum txhuam tej av thiab tej ua tsis huv, xws li tej kab mob, ntawm cov npoo rooj, npoo tog. Ntxuav xwb tua tsis tau kab mob. Tiamsis yog tshem cov kab mob lawm, nws yuav ua kom muaj cov kab mob tsawg nrog rau kev sib kis mob.

*Txau tshuaj* yog tso/txau tshuaj tua kab mob nyob ntawm tej khoom siv (tej npoo rooj tog). Qhov nov tsis txhais tau tias nws yuav txhuam tau tej chaw tsis huv los phem/qias los tua tau kab mob saum tej npoo. Tab sis tua tej kab mob ua tseem nyob saum tej npoo tom qab txhuam tas yuav ua rau qhov muaj kis no tsawg tuaj.

## **Yuav txhuam tu thiab txau tshuaj tua kab mob li cas tom qab txhawj tsam/paub tias muaj tib neeg uas muaj kab mob COVID-19 nyob rau hauv lub chaw?**

Nyob rau ntawm tsev kawm ntawv, tsev zov me nyua, chaw ua hauj lwm, los yog lwm lub tsev ua tsis muaj tib neeg pw hmo ntuj:

- Pom zoo yog kom **muab qhov chaw tus neeg muaj mob ntawv tau nyob/si kaw thiab tos kom ntev tsim nyog ua ntej yuav pib rov muab txhuam tu thiab txau tshuaj tua kab mob** kom tsis txhob muaj feem kis/chwv nrog tej qhaub ncaug ua tau poob. **Qhib tej qhov nrooj qhov rai kom muaj cua ntsawj tau los rau hu tsev.** Yog ua tau, tos li ntawm 24 tev ua ntej yuav pib txhuam tu thiab txau tshuaj tua kab mob rau.
- **Cov tu tsev yuav tsum txhuam thiab txau tshuaj rau txhua qhov txhia chaw (xws li., chaw ua hauj lwm, chaw dej siv, thiab tej chaw kheev nyob) uas tus neeg muaj mob tau nyob/siv,** txhwj xeeb yog tsom tu tej chaw kheev tuav/chwv.

Lub chaw uas muaj tib neeg pw hmo ntuj:

- Ua raws li [US Institutions of Higher Education](#) txog muab kev koom tes nrog tsoom fwv hauv xeev thiab ib cheeb tsam ze ntawm koj txoj kev noj qab haus huv rau qhov muab cov neeg muaj mob cais thiab nrhiav chaw rau lawv nyob ib ntus raws li xav tau.
- Nyob cov chaw uas cov neeg muaj mob tau coj mus cais nyob, ua raws li [Interim Guidance for Environmental Cleaning and Disinfection for U.S. Households with Suspected or Confirmed Coronavirus Disease 2019](#). Nov yog xam nrog tsom rau **ntxuav tu thiab txau tshuaj tua kab mob rau tej thaj chaw uas cov neeg ua hauj lwm muab kev pab cuam kheev tuaj ntsib cov neeg mob, tab sis txhob ntxuav tu thiab txau tshuaj tua kab mob heev heev rau ntawm chaw pw/chaw dej siv los ntawm cov neeg muaj mob tsuas yog muaj kev siv ces mam siv xwb.**
- Nyob ntawm tej chaw uas tus neeg mob tau mus txog los sis nyob/siv ntawd, yuav tau ntxuav tu thiab txau tshuaj kom raws li tsab ntawv qhia txog kev ntxuav thiab txau tshuaj tua kab mob.

## **Kuv yuav txuam tu thiab txau tshuaj tua kab mob li cas?**

- Yog tias thaj chaw lo av/qias neeg, yuav tsum siv cov tshuaj ntxua khaub ncaws los sis xab npum thiab dej ntxuav ua ntej mam li txau tshuaj tua kab mob rau.
- Ntawm cov tshuaj tua kab mob, tej tshuaj tu vaj tse tov dej, dej tov cawv kom tsawg kawg los yog li ntawm 70% cawv, thiab lwm yam keev siv EPA-register rau kev tu vaj tse yuav tsum ua hauj lwm zoo.
  - Cov tshuaj ntxuav tsev hauv tsev tuaj yeem siv yog tias tsim siv los txhuam tu rau saum tej npoo. Ua raws li tej ntaub ntawv ntawm cov tuam txhab tsim cov khoom siv qhib thiab kom cua nkag mus los zoo. Kuaj xyuas kom cov tshuaj tsis txhob dhau hnuv nyoog. Tsis txhob tov cov tshuaj dawb hauv tsev nrog ammonia los sis lwm yam tshuaj ntxuav tsev. Cov tshuaj dawb ntxuav tsev uas tsis tau tag cai nyoog yuav ua hauj lwm tiv thaiv cov kab mob coronaviruses zoo yog tias tov haum.
  - Npaj cov tshuaj tov nrog tshuaj dawb li no:
  - 5 dia (diav noj mob) (1/3<sup>rd</sup> cup) tshuaj dawb rau 1 nkas loos dej los sis
  - 4 dia (diav hauj tshuaj yej) tshuaj dawb rau 1 quart dej
  - [Products with EPA-approved emerging viral pathogens claims](#) yog cov xav tias yuav tua tau tus kab mob COVID-19 tuag raws li tej ntaub ntawv hais tseg txog kev tua tus kab mob tuag tsis yooj yim/nyub. Siv kom raws li cov tuam txhab tsim tej tshuaj qhia tseg txog kev txhuam tu thiab tua kab mob (e.g., tshuaj sib tov, siv li cas thiab cia ho ntev, lwm yam).
  - Rau tej mos nto (dej txeem) xws li plag tsev pua ntaub, ntaub pua taw rooj, thiab ntaub npog qhov rai, yog tias muaj tej yam pom paug muab so tawm thiab txhuam tu nrog tej tshuaj uas luag qhia tseg tias siv tau rau tej chaw ntawv. Tom qab ntxuav/txhuam tag:
  - Yog tias tej khoom ntxuav tau, muab ntxuav kom raws li tej ntaub ntawv qhia tseg siv dej sov/kub tsim nyog rau cov khoom ntxuav thiab ziaab kom qhuav qhawv.
  - Tsis li, siv tej tshuaj uas EPA-pom zoo tsuag rau tej chaw muaj taus kab mob sib kis (muaj cov piv txwv ntawm [link](#)) uas yog tsim yog siv rau tej npoo chaw noo ua paus ntshiv (dej txheem tau).

## **Kuv yuav tu thiab txua tshuaj tua kab mob rau tej ntaub pua caw, tsoos tsho, thiab lwm yam yuav coj mus ntxhua li cas?**

- Tsis txhob nchos cov khaub ncaws yuav coj mus ntxhua; nov yog tshwj kom tsis txob muaj tus kab mob ya nrog tej huab cua.
- Ntxhua/ntxuav kom zoo raws li tej tuam txhab tej khoom siv qhia tseg. Yog ua tau, siv dej sov/kub tsim nyog rau cov khoom ntxhua thiab ziaab kom qhuav qhawv. Cob khaub ncaws hnav tag es nyob ze/chwv tus neeg mob yuav ntxhua tau nrog lwm tus neeg tej khaub ncaws.
- Ntxuav tu thiab tso tshuaj rau tej pob taw rau khaub ncaws raws li kev ntxuav tu tej chaw/npoo tawv/du uas hais tag los saum toj nov.

# Kuv puas yuav tsum hnav cov khaub ncaws tiv thaiv tus kheej (PPE) xws li hnav looj tes thiab looj ib ce thaum yus ntxuav tu?

- **Cov neeg tu yuav tsum tau rau hnav looj tes thiab looj ib ce thaum ua tej qav num thaum ntxuav tu, nrog rau thaum tu/nqa khib nyiab.**
  - Cov hnav looj tes thiab cev khaub ncaws looj ntawv yuav tsum tiv taus cov tshuaj kws yus siv.
  - Tseem tshuav PPE uas yuav tau siv kom phim rau cov tshuaj yuav siv ntawd thiab seb nws puas yuav muaj/tskyis muaj feem txaws tau.
  - Yuav tau ceev faj ua tib zoo hle cov hnav looj tes thiab cev looj ib ce kom tskyis txhob muaj tej yam yuav kis rau tus neeg hnav thiab thaj chaw ib ceeb tsam ntawd. Nco ntsoov **ntxuav tes** tom qab hle hnav looj tes.
- Yuav tsum hle hnav looj tes tom qab tu tag chaw los yog tu tej chaw tus neeg mob nyob. [Ntxuav tes](#) tam sim thaum hle hnav looj tes lawm.
- Cov ntxuav tu ntawd yuav tsum hais qhia txog tej yam tskyis zoo ntawm lawv tej ris tsho tiv thaiv tus kheej, PPE (xws li, hnav looj tes to qhov/ntuag) los sis muaj feem kis tau rau lawv tus nai.
- **Cov neeg ntxuav tu thiab lwm yam yuav tsum ntxuav tes ntshawv ntshis**, tom qab hle hnav looj tes tawm thiab tom qab tu/saib tus neeg mob, yuav tsum ntxuav tes nrog xab npum thiab dej ntev li 20 fiab (20 seconds). Yog txawm tskyis muaj dej thiab xab npum thiab tskyis pom tes qias neeg, siv cov tshuaj ntxuav tes uas muaj cawv txog li 60%-95% los siv. Tab sis, yog pom tias tes yeej qias neeg los tskyis huv, yuav tau ntxuav tes nrog dej thiab xab npum txhua zaus.
- Ua rau li txoj kev tiv thaiv hais nyob tom hauj lwm los yog nyob hauv tsev, txog ntxuav tes thiab txhob kov qhov muag, qhov ntswg, los sis qhov ncauj thaum tskyis tau ntxuav tes.
  - Kev ntxuav tej muaj ntxiv xws li:
    - Tom qab tshuab ntswg, hnoos, los yog txham
    - Tom qab siv chav dej
    - Ua ntej noj mov los yog npaj ua zaub mov.
    - Tom qab kov tsiaj
    - Ua ntej thiab tom qab tu lwm tus tib neeg uas xa tau kev pab (xws li, ib tug me nyuam yaus)

Nco ntsoov xyuas ntawm tej xov xwm ib txwm ntseeg txog tej txheej txheem tawm txhua hnub txog tus kab mob sib kis tshiab coronavirus.

- Merced County Department of Public Health
  - <https://www.co.merced.ca.us/3350/Coronavirus-Disease-2019>
- California Department of Public Health (CDPH, State)
  - <https://www.cdph.ca.gov/Programs/CID/DCDC/Pages/Immunization/nCOV2019.aspx>
- Centers for Disease Control and Prevention (CDC, National)



- <http://www.cdc.gov/coronavirus/novel-coronavirus-2019.html>
- World Health Organization (WHO, International)
  - <https://www.who.int/health-topics/coronavirus>
- United States Environmental Protection Agency (USEPA)
  - <https://www.epa.gov/coronavirus>

**THOV NCO NTSOOV:** Qhov nov yog ib qho tseem pheej tawm yam tshiab. Yog muaj xwm txheej tshiab mam tshaj rau sawv daws paub ntxiv. Rau cov xwm txheej tawm tshiab, thov mus saib ntawm: [www.cdc.gov/coronavirus](http://www.cdc.gov/coronavirus). Xav paub xwm txheej ntxiv, mus saib ntawm [www.countyofmerced.com/coronavirus](http://www.countyofmerced.com/coronavirus) los sis hu rau the Department's information ntawm (209) 381-1180 (Askiv, Mev, Hmoob).